



Siverth K. Heilmann

UKA 2022/25

Atassut

06. Oktober 2022

Uunga siunnersuut: Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersaartinniarlugit iliuuserisassat pillugit Inatsisartut inatsisaata allangortinneqarnera pillugu Inatsisartut inatsisaat

(Aningaasaqarnermut Naligiissitaanermullu Naalakkersuisoq)

Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersaartinniarlugit iliuuserisassat pillugit Naalakkersuisunit saqqummiunneqartoq pillugu, imatut naatsumik Atassummiit oqaaseqarfigissavarput.

Naalakkersuisut ilumoorput, malittarisassat 2010-mili allangortinneqarsimangitsut, aningaasanik peqquserluutinik malunnarunnaarsaasarneq nunarsuarmi ineriartorneq, inatsimmullu allanguutissatut siunnersuuteqartariaqarnerput saneqqunneqarsinnaanngitsoq.

Naalakkersuisunit isumannaallisaaniarnermi siunertaqarluni tunngavilersuutigineqartut ersarilluinnartut uteqqinngikkaluarlugit, Atassummiit tunngaviatigut isumaqataanerput matumuuna nalunaarutigaarput.

Taamatut naatsumik oqaaseqarluta, suliap aappassaaneerqartigani ataatsimiititaliamut susasaqartumut ingerlateqqaarneqarnissaa matumuuna Atassummiit kaammattuutigaarput.

Qujanaq.